

感舊集

感舊集卷十一

漁洋山人選

德州盧見曾

葉方藹

二十二首補遺十二首

方藹字子吉號訥菴江南崑山人順治己亥進

士及第官翰林學士兼禮部侍郎加本部尚書

謚文敏

分甘餘話亡友葉文敏評余蜀道集詩毋論大篇短章每首具有二十分力量所謂獅子搏象兔皆用全力也余深

媿其言又嘗語余兄七言長句他人不能及祇是讀得史記漢書熟耳

香祖筆記余少時有句云螢火出深碧池荷聞暗香葉文敏極喜之

取入獨賞集王原哀三公詞注葉公夙著清操家無餘財以斯文爲

已任詩宗蘇陸文宗翁山生平服膺王阮亭詩汪鈍翁文公實兼有二

家之長

按學士才餘于位德餘于才爲仁皇帝所器重會予告家居有密

陳其居鄉不法者上命蘇撫田雯察之雯以鄉評之實入奏上曰

朕固知葉方藹不如是也將大用而學士遽捐館舍嗚呼以學士之盛

德爲明主所深契問雖未

行而讒亦不免吁可畏哉

人日

新年春色暖融融
人日晴光更不同
水向野塘猶自綠
花非繡幕亦能紅
聽鶯樹下沾初雨
試馬隄邊愛晚風
若比道衡離思苦
還家已是二年中

邨舍見紅紫葵花開特可愛

插棘編荆茅舍清
此中誰擬見傾城
紫絲作障遮空暗
紅錦裁衣曳地明
惆悵忽從攀處得
淒涼多爲別時生
不須更結繁華夢
埜蠓山蜂自有情

方塘

方塘如鏡月如弦
綺陌風光只似前
草暖庾郎盤馬地
絮飛謝女詠詩天
重尋好事疑經夢
更盼佳期恍遇仙

待與何人共攜手隔花羞見蜨翩翩

春日

柳短閒莎長春風觸處狂蜨飛遺剩粉鶯過久新簧銀
榼頻傾酒金鑪滿蕪香可容窮阮籍一慟綺羅旁

橫塘詩爲雪洲作

黃篋樓西赤板橋曾于此地見妖嬈星河耿耿前期宵
雲雨沈沈舊夢遙空倚露桃誇靚頰每攀風柳愛纖腰
相思便抵橫塘水百折千迴在此宵

江邊見白鳥

吳波楚浪兩茫茫獨占荒原立夕陽海鶴肯教成伴侶
野鷗翻自笑行藏誰憐皓白衣如雪祇恨飄蕭頂似霜

難遣江湖幽興在汀蘭岸芷夢魂長

月

每向愁邊見多於客裏親雲疑淹逸彩露欲洗幽塵一
淡能娛我三更轉近人偶窺微缺處清淚忽沾巾

將去白下留題寓壁

旅遊日日閉雙扉祇怪浮蹤與世違絕磴斷崖行處路
岑牟單絞著時衣無心偶逐雲同出避色還隨鳥共飛
底事風光留不住江鄉久誤釣魚磯

秋日過鄰院

山雲禪榻靜相因偶為孤遊得笑頻閒對景光真逝水
暗悲身世總流塵頻來簷鳥疑新主別去庭花是故人

一闋漁歌數聲笛溪邊林下轉情親

與一公

北窗鎮日坐騰騰自把閒身閱廢興
我全拋黃綬客愛君不著紫衣僧
秋林汲罷沾雙屐夜雨吟殘靜一燈
廿載名心刊落盡不須更爲說三乘

南榮

破絮罷朝眠南榮兀坐偏不知愁有力
翻恨酒無權日愛趙衰暖風憂張旭
顛還憐曝背樂難得獻君前

口占

道逢牧豬叟荷蓑向巖中攜經欲借問
恐有漢三公客有引韋宏嗣賦嘲予
弈者戲舉謝安石事答之

淝水千羣鐵騎塵謝公方罨鎮隨身無因說與韋郎道
三百枯槩敵萬人

按宏嗣有博奕論
非賦也題似有誤

題吳處士莊

二月春泥一尺深杏花門巷費招尋爭傳市上搖頭過
忽見窗閒擁鼻吟砌迸筍皆成碧玉囊餘藥盡化黃金
元纁尚擬何時到只著麻衣弄渚禽

荷花

千二百驚鴻翩然小隊同采珠洛浦上弄珮漢江東顰
處矜睂翠啼時怨臉紅一生心事在辛苦綠房中

枯樹

無復凌霄聳壑心千尋落落地幽岑敢將榮悴爭時代

獨與巖流共古今縱使帆來難近漢便教斲就不堪琴
南朝名士雖工賦未解莊休意更深

柳

嫋雨拖煙萬萬絲秋來顚顚不勝悲何人曾到靈和殿
記得君王手種時

青溪廟

青溪白石渺相望獨處終年不嫁郎曾笑素娥蟾作窟
更羞織女鵲成梁龍旂影冑蕭蕭月鴛瓦寒銷寂寂霜
廿載無媒路旁客還來下馬奠椒漿

飲勿菴二十四峯閣

二十四峯新與君充下陳開窗雲入座卷幔月窺人小

駐尋花屐頻攜漉酒巾醉醒俱不忌始見兩情真

伏枕

伏枕三竿日巡檐半畝居愁同填海鳥恨比過河魚往事羞重憶浮名忍更除茂陵松柏老誰問病相如

瓊樹

瓊樹何曾見一枝紛靡衆草競英蕤擬從騷客求蘭佩欲向靈妃問桂旗天上只疑星是石人間枉泣墨非絲偶經抵鵲山前過終古無端替玉悲

清江

清江水色碧于苔南客扁舟北渡來曉日未瞻鳩鵲觀陰雲已滿鳳凰臺漫防酒醉先防醒不怕花殘卻怕開

無限傷心還自語此生終見太平迴

將至辰山寄勿菴子

以下補遺

知近幽人住谿流覺更清偶隨落花入忽見羣峯迎石
上遲誰酌澗邊遙獨行煙波三十里無分與君爭

自題獨賞集

洗淨浮埃覩碧天虞山一老獨崑然短詞數首尤多味
不羨聯珠疊璧懸

婁水虞山相代興長篇學士更誇能連昌長恨猶難匹
近代何人敢作朋

梁代詞人庾開府哀江南賦最稱工千端萬緒嫌難盡
未抵金陵四句中

宛陵風土擅詩名自古前賢避後生近日施家新體好
無人更道謝宣城

機雲昔日皆工賦軾轍當年竝擅文今見二王詩律峻
始知鼎足是三分

王家小美擅詞場五字堅城勢莫當吟到池荷暗香句
教人不憶孟襄陽

海虞馮叟筆通神比興詩篇字字新若較吳笈真敵手
邢夫人見尹夫人

長沙舊著弔屈賦南海今爲哭賈詞魚腹消沈千古怨
蛾眉謠詠萬人悲

菊秀蘭芳竝一時玉遮風調畧堪思省曹誰是知名士

便欲煩君替左司

破扉烟斷出孤吟
廡下高風尚可尋
萬手雷同誰敢擬
懸軒簫鼓一聲琴

鴛水騷人彭駿孫
兩年詩格未評論
鄒陽出獄猶流落
何日含毫奉兔園

陳維崧

三十三首

維崧字其年江南宜興縣學生舉博學鴻詞官

檢討有湖海樓詩集檢討集

香祖筆記余少在揚州賦治春詩其年後至贈余詩

曰玉山筵上頽唐甚意氣公然籠罩人池北偶談陳其年年四十餘尚爲諸生有日者謂之曰君過五十必入翰林梅杓司贈句云朝來日者橋邊過爲許功名似馬周至己未果以應薦授檢討時年五十六又先考功兄常云陳其年浪捲前朝去英雄語也其年有烏絲詞三卷多瓊奇閨房游俠之詞尤妙如春陰簾外天如墨玉梅花下交三九雖秦李不能過也說鈴陳處士排偶之文芊緜悽惻幾于凌徐振庚余致

書王于一曰唐以前某不敢知自開寶以後七百年無此等作矣宋
牧仲華筠廊偶筆王西樵常語子弟曰陳其年短而髯不修邊幅吾對
之祇覺其嫵媚可愛以伊胷中有數千卷書耳
按陳檢討四六文集二十卷皖江程師恭叔才爲之註

子夜歌

昨夜春風來先入秦淮殿可憐桃李花開遍金陵縣
穿妾鳳凰針雜花復經緯辛苦製邊衣誰人之東魏

黃竹子歌

竹子何黃黃知是長江口與郎並船行碧浪照螭首

古意贈吳四湛

便覺寒城外蕭蕭秋雨音匪遵賢達訓羈子豈無心昨
夜湘君岸猿啼深更深師涓儻早悟絕操已如今

同冷生谷賓過訪仲來觀書畫兼聽小僮絃索因

觀劇至夜分大雪始還

冬十一月北風作麻衣透體若穿鍔此時客子何所似
紆千山頭棲凍雀酒徒蔣濟吾葛疆老大只欲爲顛狂
清晨拉訪浣花叟入門大叫呼索郎主人嗜好古無匹
四壁縹緲氣蕭瑟觀畫喜無寒具手摹書大似釵痕出
少焉崽子彈龜茲白翎雀雜楊叛兒老夫度曲辨分判
此輩嫋嫋真如絲興酣樂極不知暮欲行未行客相顧
主人留客爲客言且聽燈前歌玉樹一聲摻鼓客滿堂
紫簫紅蠟何蒼涼細腰解作善財舞瑣骨能爲回鵲妝
夜闌燈燼漏欲絕絳羅綵縹神清揚君不見健兒須飽
馬須齧來時北風去時雪

別姜綺季

去歲王珣宅邊住思君只隔吳宮樹我作伯勞君走兔
今年蹋臂西風蒼同住南朝石子岡我作何戡君葛彊
十年心事那便數秋星下照庾家墓明日辭君出城去
春日訊堆山大師

聞道維那病春深自息機人持初祖偈家對五湖暉祇
樹流清磬王城拂梵衣衡陽能設難何日解談圍

別梅杓司

與爾吳門棹棲遲又浹旬相看無一事攜手過三春罷
酒忽不樂當今無此人那堪分袂日金鼓動江津

贈杜于皇

浩蕩乾坤內如君老客星浮雲雙阜帽落日一新亭昨
遇江陵估攤錢下洞庭亂離終在口淒咽不堪聽

贈吳人陳敬仲

紫蟹黃花節物新他鄉斗酒亦情親樽前賴爾能吳語
澤畔憐余類楚臣夜月鈿蟬彈法曲秋風石燕說遺民
江東年少休相問七十何戡是舊人

舟中作

潮生前寨橋月出東湖淑不見故鄉城漸聞故鄉語

歲暮懷文友武林

越女如花倚玉牀金樽美酒兌餘杭相逢勸飲且須飲
未到白頭休斷腸

憶法藏寺前柳

一樹青絲拂寺前
氍毹和月復和煙
當時春夜頻來往
曾見依依十二年

雙溪竹枝

斜日蓀橈罨畫遊
可憐春水滑如油
迴船亂泊鰕籠嘴
三月風光似小秋

斑竹妝樓水上多
樓前流水是官河
鉤簾纔覺西風起
一幅吳綾已作波

荆溪士女多明秀
眠食青山與碧潭
周處廟連珠巷北
牧之陂在石橋南

百合塲西戰壘存
射蛟橋上暮雲昏
尚留雨後銅官色